

退

復

軒

詩

復復軒詩卷三

兀魯特 錫縝 後

古今體一百五首

壬戌

同治元年

關隴行七首

金城古天府漢唐以定都佳氣鬱千年民風良不殊州牧
省疾苦忍使膏血枯卓卓高明家十萬恣樗蒲賸以英瓊
瑞藉以紅璫瑜燕寢凝絲竹上馬鞭珊瑚小民不敢議閭
巷私以狙貴者肉如陵賤者無完膚耿耿百壺酒黔首雙
淚珠此情誰復知過客獨欷歔

路出古奉天慨然思有唐建中興元間車駕何亾亾三軍
餒糲菜雨寒食指僵盛夏衣裘褐忠義猶激昂不有一二
臣母乃宗社荒危者安其位回首滋神傷

凹凸山上城云是古豳國我思七月篇藉藶在稼穡歲莫
日月除相顧猶菜色想竭胼胝勞未能去螟螣徭役更無
已小民罔弗盡不見西門西梨棗皆手植今年雨雪少莫
卜明年實回首望春來天意安可測祁寒多怨咨况乃賤
志索竊目繡衣使無語淚沾臆

高平城第一乃在瓦亭東隴首寒風來吹滿山谷中抗懷
藻建武兩目全虜空五郡旣納款天水塗遂窮先聲奪人

魄詎待乘墉攻試觀蜀最險據者皆不終豈有百二關盡用丸泥封

北有黃河水南有五泉山中夾蘭州城城小如彈丸周圍九里許建置數十官官署居其半以半爲市閭總督所始設乾隆之三年有若江湖魚盛以縲手益須彌入芥子乃是丈六身遠控西域回近制閭門番于焉扼要隘所由長幅隕不觀明肅王九世茲屏藩明肅王拱封藩於此九世至崇禎十六年入牆二千里至今留新邊明築邊牆由靖虜衛北至涼州凡千四百里謂之衝邊又加築新邊自靖虜衛界黃河索橋起至莊浪衛界土門山共長四百里同治元年春縝爲湟中使繪西甯地圖將至碾伯縣遇寇行輒

止先是回紇亂禍自南山始官軍數千輩但見大槓靡泊

庫去年冬三漚血流水

張伯南

今茲虜道周眼看兇焰起

賊縱

火於

張伯于焉返轡行瘡衆滋歔歔吾視西甯郡地不過千里

回衆與民較民數相倍蕤豈竟莫誰何乃自畏首尾小民
前致詞吏弗諒民只避賊或偷生殺賊法坐宛聞此知民
謗顧吏非得已聽民自憐殺搆釁伊胡底帥師詎不威轉
壤故無幾所惡在冒功養寇以利已上焉圭瓚釐下焉溝
壑委况復采芑食而獨載蕤苒怨讟有由來小民具瞻爾
何以領州牧所爲乃若此歸爲使者言抗疏告 天子
大人爲都護再出玉關西計行張掖郡續在皋蘭時弱弟

侍親行有婦道生兒與兒相繼死仲妹死繼之老母在京
華倚閭日以思縝也陟屺帖瞻望兩無依欲弗爲此行頗
恐負所知酬知不忍去又恐歸愆期中夜耿不寐夢魂東
西馳

役遑四首

迢迢征愁黯漫漫孔道荒雪痕衰草白日色亂山黃民命
投豺虎天涯老驢驢似聞諸將吏不甚惜河遑

路出河橋驛

平番西

羣山特地開平沙橫水道灌木列城隈

偃草風馳驟窺邊月往來寄言宣撫使鴻雁不勝哀

眼看犬羊衆出掠虎狼溝

南

兕焰隔山燎河水帶血流

逃生行跡亂野哭暮雲愁不見同裳者誰乘五檠

水溝誠小邑

東 磯伯

鑿空自何年苦轉千尋壑欣通一線天

陰崖還蔽日比戶少炊煙避寇吾歸去化離誰汝憐

紅城堡

又向渥中又自歸日歸仍是未歸時紅城堡外千株柳迎
得春來人不知

拂雲樓行

有序

蘭州節署故明肅王府第其後圍拂雲樓踞城
上有碑二刻肅王暨吳大司馬酬倡之詩草書
悉肆得晉法碑陰各有血蹟如盤府志載明季

流寇陷蘭州有二人殉難於此或曰嬪顏氏死處也又載流寇薄城都司蔣嘉印扈王出戰士回刼之嘉印死中涓趙三策侍書溫樞皆殉楊嬪田嬪雉經死宮中從死者二百餘人園中瘞骨綮綮也按明史肅莊王模太祖第十四子洪武十一年封漢王二十五年改封肅王二十六年就藩甘州建文元年乞內徙移蘭州傳九世至識鑑崇禎十六年李自成破蘭州被執宗人皆死嘻可悲已同治元年春續從沈朗亭尙書兆霖役於蘭主節署作拂雲樓行

拂雲樓外月如洗寒光倒吸黃河水水聲嗚咽上城樓終
古月明魂不死碑紋蝕透血模糊荒園土乾埋骨枯宮人
死者二百計中涓侍書同捐軀明季士女輕頭顱奇節四
千年所無藩封九世邈城屠帝子夜哭昊天憫鸛鵲鸛鵲
行跼跼有鬼拂雲樓上呼游魂不歸明月孤可憐嘯盡城
頭烏

絡盤精舍題壁

六盤山古絡盤道也祁春圃相國題僧房曰絡盤精舍

不如歸去好馬上送春長淺草四山綠朔風三月涼東來
尋故轍小憇又僧房勝署書猶在斯文憶壽陽

歸來十七首

白羽我來虎竹分，掃除境內屬將軍。壁門開處吾歸去，回

首河湟一段雲。

沈何書師師將之西甯

轉盼春雲隴首低，送春恨別意淒迷。會甯東出山凹路，七

十二灣流水西。

水自東而西

索賤朝三與暮三，年來民命幾能堪。兵車又出蕭關道，半

向湟中半皖南。

時安嶽徵兵

薄結春冰三月天，五原東去草芊芊。風光自有平涼好不

種山田，種水田。

大佛寺

鄧州

前好風景，春山澹冶水橫斜。平沙萬樹多梨棗，

紅杏數株三月花。

盈盈新綠滿平疇道是春歸尙遠游一片暖風吹十里菜
花香裏過乾州

幾人唱徹五噫歌柳色春深奈別何總爲華清池太暖終
南山下客行多

少舉山前紅日晞原田過雨綠初肥令公故里前村是三
兩兒童放犢歸

馬首無端又轉西渡關自不數鳴雞客中多半如充耳何

事畱人聽鼓聲

次華州扣回西安
時藍田一帶不靖

韋杜城南竟舉烽草間羣盜敢乘墉晨門晨起門難啟昨
夜泥丸已自封

馬援衰年不據鞍六韜未必是文官
眼看繡壤龍鱗接來往飛騰赤白丸

崔苻蹤跡不崇朝別去誰曾折柳條
倚馬萬言何可待一鞭飛過灞陵橋

路旁亭候紛無數雨後陰晴乍不分
款段馬行三十里一時看徧舉山雲

詩情不及客心柔初夏微涼似早秋
一望淺紅深綠裏晚風疎雨到蒲州

霍邑城臨霍水濱征夫戾止自駢駢
都從豫讓橋邊過國

士由來是衆人

趙城隋之霍邑也

只將狐突山中鍊鑄得鍾官府裏錢不用媯皇一拳石也

會小補九重天

平定州有媯皇廟

太行西望鬱嵯峨遠戍游兵尙枕戈莫謂關無飛鳥渡十洲險比八陁多

沈文忠公輓詩三十韻

使節五千里清名三十年功成邊事後身瘁大軍前重任

欽推轂先歸悔著鞭早知生死別忍賒去來篇曾記陽生

月初銜命自天

上年十月公偕麟文端公奉使甘肅

隨行同是掾續與童貪外大野隨

重載本非驢雪壓秦川竹寒生峯嶽蓮濁流尋渭溪貪

飲戒蘭泉

皋蘭縣驛

樂府公無渡風詩佃甫田騎箕哭司馬秉

鉞討先零

今年正月麟大司馬卒公攝陝甘總督勦辦撤回

亂早湟中搆敵誰聞

外宣旌搖茲戾止溝壑未應寘圖審山川勢

正月續以公命之西甯繪

地圖

以進躬爲士卒先定膺茲矢錫曷止大棋塞屈策嘉謀告

陳情去志堅西戎當薄伐下走乃言旋

續以三月啓行先歸

此別育

書絕俄驚館舍捐告哀垂九月流恨滿三邊今待同人至

憑將軼事傳千軍揮筆埽衆士枕戈眠不殺稱神武招降

息矯虔班師程綏綏當厄水濺濺

公歸至平番西山水暴至逐肩輿而沒

怒

氣逢河伯灾星履巖躔荒原悲薤露野戍冷秋煙身後詩

書在生前倚畀專萬幾佐樞密羣下仰陶甄說士甘于肉

居官不愛錢似聞叅政事端合數君賢况有文章契難禁

涕泣漣平生知己少望斷九方歎

黃山谷像爲李伯孟駕部

宗晟

題四十韻

翁覃溪
鴻臚撫

李晦古畫山谷像伯孟與山谷同六月十二日生倩華亭張良哉再撫之

吾友李宣城翩翩佳公子好爲古人徒輒與涪翁齒生日
偶然同遂樵蘇齋紙廣裏折角巾趺坐麾麈尾八百六十
載有像鬼不餒吾攷文藝傳炳炳垂宋史維公幼警悟一
日而千里晚知太平州始爲殿校理卒年六十一宦跡略
如此以坐實錄誣被議謫弗已除名編宣州中傷于部使
後有秦晁張前有從舅李傾倒蘇髯翁固宜時輩詆縱非
元祐黨自有求全毀借問李宣城汝何取乎爾六月十二

日試爲汝屈指天聖之三年玉津同燕醴政和三年夏用
成方正禮詔爲甯貺節寔自此日始建炎之四年白氣紫
微裏仁廟訖欽高災異滋未弭以此一日計天地泰而否
生日賜宴會故自王旦起北宋獻詩詞飲酒恣樂豈吾輩
通古今講藝以度軌詎以佞古人忘爾淑慎止載告李宣
城吾意重歔歔尙憶道光中歲次辛壬癸纘少爲文詞頗
爲尊甫喜關中談經時君六七歲耳回首廿餘載日月去
何駛四十吾無聞君才正英偉勿仰人鼻息而岡固根柢
章七慕蘭亭東坡以爲耻李展筆自佳不在山谷體徒有
文在手遂癡李昭玘莫自媿爲郎唾手可金紫身言與書

判知爾則何以斯言君請試藥石愈疾美大書同治元十月壬午臘

哭張甫

十有六年不相見未知學力當何如學之不竟身已死世上未有如君思三十年來苦奔走西南秦楚東江都文章經世世不用有才幾至殺其軀案頭尙有君來書今日讀之淚眼枯哭君不得見顏色久別有夢終模糊身後之名亦何有有妻癡獨幼子孤君姊之子酷似舅謂李伯孟駕部今日對之長唏噓瀟湘刺史劉季子謂子迎同年平生畏友君與俱盛名所副他人狙安得不悔吾術疎天下多事功名無君

竟已矣何況吾

癸亥至乙丑

曾達周農部

繼志

畫魚爲瑞南星太守

昌

賦卽送

之嶺南

曾君爲郎同地官不參政事參畫禪信筆畫魚狀丁乙雜以蘊藻交蘋蘩花鳥一科古所重有宋徐熙唐邊鸞熙也尤工畫魚技多于崇嗣劉永年當時遵易叢稱絕載在鼂氏雞肋篇鯉鯽魴萃九罟神寓頌首莘尾間活東大小盡意態尺幅可容天池鯢畫家喜作鬼神幻人所常睹形肖難宣利以降譜錄在工畫魚者無幾人曾君獨接李遵

易此事不繫元明傳其餘花鳥亦能事隱隱造化生豪端
南星太守持此幅徵詩載之書畫船維時曾君將適晉秋
老天高零露溥莫須相對悵離別請作歌行書雲牋

蕭山兩烈婦行

蔡瑩蕭山孝廉也其妻曹氏妾馬氏及子女皆死難徵詩及之

蕭山兩烈婦蔡之馬與曹咸豐十一年賊蹶城及郊曹以
子女三先死王家橋馬氏走葦間不死亦不逃伺蔡授兒
去別語生死交郎爲士中俊妾爲毛中髦于嗟乎西陵羣
木搖松柏之操乃不凋澗水滔滔蕭山高

詠史三首

孔雀封牛易飛芻挽粟難七科無計簿萬里有材官莫謂

長城壞何如瀚海寬當年傳駿馬得意下樓蘭
詔權商車算軍儲摠不支賊氛銅馬衆饒道木牛遲比歲
通天竺何人徇月氏千羊走飢渴底用貳師爲
功業不會廢其如災異多上書擬劉向道將失廉頗草草
官三服茫茫走六羸長江橫流水涓滴發牂牁

丙寅丁卯

役東七首

歲晚嘆生事黯然忽東征冷日莽黃雲北風天晝暝林木
亦已枯潞河疑斷冰號寒趣老穉道路屬以聲此聲如聞
天長吏難爲情于焉役飢渴聊慰蚩蚩氓

皇天久不雪凶荒交疫死孰是葵下民而敢復滄詆悵望
通路亭早涸高粱水銅馬五幡來曾不固溝壘高粱水經
路縣故城
西王莽之通路亭也光武破銅
馬五幡于潞東卽此見水經注往者莫可諫今逢繡衣使
吞聲不敢言傷哉吾赤子

既云求民莫當爲惜膏脂殿屎之弗恤安用使者爲以是
輟供億載告牧令知勿博上官喜而使民命罷一人喜無
常一路哭甚悲喜者縱福汝悲者當語誰能吏或病民循
吏民所思如何課殿最往往不在茲

西有孤山陂北有渠河塘溉田三千頃何患不聚糧三河
縣北
有渠河塘西北有孤山
陂唐時溉田三千頃屯政古有術無筭天降康三河二

百里沃土今多荒農官職久闕坐令鮮葢藏目送鴈磬磬
慨焉思李唐

有唐張仲武寔典雄武軍厥初業左氏投筆策高勦擊走

那頡頏回鶻亾其羣

雄武軍在薊州東北唐會昌時同鶻趨雄武張仲武擊敗之

浩浩

古戰場平沙凝凍雲雄風久寂寞將母四夷賓匪曰不卽

戎大吏方教民掎角戍三輔貫耳鞭七人豈意糗糧庠翻

同簠簋陳有司視如虎趨利至若麋但夢敬兒熱或療原

思貧帳內少盪主閫外多鴈臣此事胡弗已此情誰以聞

倚馬書罪言悠悠過薊門

薊州城西門乃有獨樂寺相傳遼統和劉成製碑記其碑

故無存載在盤山志山中舍利塔神燈時一至

州志載神燈自塔而

下先獨樂而後及諸刹

圓新始居之談真復修葺菩薩十一面千年

無變置

圓新談真皆遵僧談真修觀音閣塑十一面菩薩像

吾釋獨樂名不禁永嘆

噴西方極樂國刹生以定慧變本在沙門流毒暨北魏飢

溺民呼號金碧殿雕繪拈花微笑時人海縱橫淚充彼西

法盡有已無天地既難人其人遂使利吾利經唄三兩聲

拜跪千萬輩租賧疾鴈舫庸調驅老穉彼樂心未厭我苑

言猶諱胞與之謂何坐視剝元氣怒焉招提游拊膺書恨

事

莫啖石門梨

遵化石門驛產棉梨

啖之常病酸莫飲湯泉水

在石門西飲

之常病貧侏儒飽欲死侍臣甯口乾不見石將軍在石門西崖高
丈壁立橫千年驛庭有老槐在石門古節凌歲寒所以輩桂
性不逐時好遷物理適有會誰求心所安

顯應寺

明之保明寺所謂皇姑寺也燬於火國朝重葺之丁卯六月有事於磨石口徑此

今之顯應寺仍在黃村西此寺所原始在明天順時奪門
酬功自亨輒先是北征諫者誰上有鄺埜王直職事之百
司下有陝西呂氏之一尼其餘公侯私屬五十萬同爲土
木之潰師乾坤旋轉辟復正御妹有言君思之爰構梵宇
跨林麓嗣述尼功書之碑雨帝歸來城隍竄手敕三通褒
女冠天地陰靈少保魂山川金碧皇姑殿官家此舉太無

名乃將楚嫂爲邦媛若憶當年諫北征何爲追念王振刻
木形自是裕陵辟親愛不以阻諫關重輕雲窗霧閣舉山
女青鳥儻自通丁甯不者六軍所駐嬭孺驚尼也走匿且
弗暇敢爲叩馬之鯁生泊乎承寵七十載檀施千萬頒掖
庭可憐一炬崑岡火香界茫茫無限情

詠史二首

當時揆宿翰林多想見行童側弁俄兵髡賊梳民濯濯紙
糊泥塑士脩脩籤頻詠竹憑譏刺棉耐彈花自唯阿措饒
嗣昌翻有策曰糧溢地奈貧何

白帖無權擬錄黃過官多事巧趨蹌將軍虎口微嫌餓叅

政魚頭敢太剛五火十人成曠騎南韓北郭妙通商海瑞
底用推排法黑面相呼是大王

承恩寺淩霄花

節取葑菲摠下風江郎擲筆補天工名花自有淩霄志香
界三千未許空

戊辰至庚午

和子猷弟

綸

北征之作

時爲布倫托海幫辦大臣

男兒之膽比身壯不到大漠豈能放朔風與沙相迴旋天
地一色合成圓一望不盡金山雪相依不去長安月孤影
入月臣心明敢憚窮荒萬里行歷劫萬死死不得雄心轉

比瀚海闊 天子命汝城朔方再鑿凶門赴敵場一身百
戰欲敵萬汝幾不知汝始冠幕中草疏達 彤墀羣推儒
將傳修期吾家開國卽封爵繩荏當如開國時

附原作

北方有征人故是幹鵜派少小事戎行弱冠走邊塞往
事不忍說父母已見背身輕 君恩重敢憚長征再
還家血戰後骨月欣團團圓日未幾離別生無端回
思恍如夢觸緒來悲酸邊月照鐵衣猶是前年寒
行行出居庸載經古戰場風疾鴈聲小日低駝影長戰
骨不能朽往往如霜抗懷將帥才獨立天蒼茫

風驚馬亂嘶鴈叫河流冷塞上秋聲多颯颯來悲哽回
風吹明月皎皎上雲嶺似慰望鄉心故照征人影

殺氣薄元冥凝結成雪花天地失元黃皓皓無垠涯夜
酌葡萄酒醉起聞清笳金山不可度西望長咨嗟

金山不可度回首鴈南歸豈不願歸去簡書無敢違吾
生恩怨重感恩尤入脾行止難自由薄言知己思

張幼蓮農部敬生送行之作

南風四月吹行旌將軍仗鉞赴邊城邸舍高歌一相送
柳條攀折愁春明春明自昔歸來日危疆百戰留餘生
背負先骸踏虎穴履夷出險通精誠至孝格天鬼神泣

盛名日下同心傾，郎署一官供祿養。輶輶劒氣羈雲程，
維時烽火照沙磧。地跳狐鼠波飜鯨，椎牛李牧大饗士。
欲擒頡利開寢瀛，輪臺寂寞都護老。拜書金闕求豪
英，母也陳詞額。帝聽許留侍，養陔蘭麝始信菽水有
眞樂。絕裾溫嶠非人情，慈雲仙去孝德盡。春暉報後功
名輕，九天丹詔一朝下。授以副帥加殊榮，邊屯蘇勒
新開府。上將車師舊識名，窮荒萬里夙游歷。青驄蹀躞
重遐征，賤子壯懷頗磊落。踟歧握手心忤忤，丈夫所期
在遠大。眼前離緒毋相撓，願君此行繼衛霍。一掃瀚海
煙塵清，上策攻心有妙用。花門互刺皆編氓，勅勒之歌

燕然銘爲君濡染大筆書縱橫坐看西北收櫬槍不數
仲升旄節終軍纓

和子猷弟駕竿車詩

負之重者難馳突輟中之馬苦踈踈輟空其中駕兩旁良
馬四之驟鴈行騎者膝承橫竿長一日率行三百里馬足
蹴塵車後起有如船下疾流水乘馬兩兩齊趨風如牆而
進兵法同策以羣力能奮庸此車大漠獨相宜未審當年
作者誰何事元人詩最富駕竿車上少吟詩

附原作

車前橫木四牡排兩者驟之兩者陪天地蒼茫無一物

獨有神駿呈其才一十六蹏疾于鳥雙輪碾碎黃沙堆
周道如砥直如矢狂雲野霧皆分開星流電掣一轉瞬
前山向我如飛來耳鳴目眩意恍忽天風颯颯雷虺虺
風雷交作聲未已我行已過三軍臺列子御風只如此
壺公縮地何奇哉腐儒少見而多怪唯恐顛覆車輪推
吾聞驂騑得路不計遠豈其一蹏爲驚駘

題徐石甫農部

受塵

令祖畫梅花冊集宋句

想見開元天寶年徐家向有數枝傳而今縱老霜根在獨
立東皇太乙前

東坡

永叔

秦文伯農部

煥

示冶春絕句八首傷時感遇有鄉

國之思次韻集句和之

住在華陽弟入天小姑洲北浦雲邊甘泉未獻揚雄賦鏡

裏今年老去年

皮日休錢起

李羣玉郭雲

山中猶有讀書臺曾到蓬山頂上來何處天涯是鄉園好

懷百歲幾回開

杜光庭劉商

趙嘏陳師道

信馬騰騰逐處行天風吹下步虎聲回頭下望人寰處雪

月長臨不夜城

皮日休白居易

許渾蘇軾

欲臥鴻臚絕世塵煙霞成伴草成茵迴看桃李都無色獨

立空山冷笑人

李白白居易

陸暢崔櫓

眼邊桃李過匆匆清宴金尊一夕同祇恐夜深花睡去更

無消息石榴紅

劉克莊蘇軾

李紳李商隱

條然便覺世情非碧草侵階粉蝶飛聞說故園香稻熟畫

樓初月待人歸

柳德輿趙嘏

溫庭筠萬齊融

難把菱花照素顏苦心惟到醉中閒今朝領得春風意時

復登樓看暮山

王崑溫庭筠

僧貫休僧齊己

日日春光鬪日光紫櫻桃熟麥風涼晨炊一箸紅銀粒百

萬樓船渡大洋

李商隱文伯有

歐陽修海運之役

徐夔

張昱

辛未

薊州懷戚武毅四十韻

行行過薊門吾懷戚武毅當年十二路倚角繕邊備齊名

俞與譚成梁抑其次軍容天下聞攻守各因地蒞也形有三山川別險易戰勝故非難所難在捍衛鎮撫十六年隆慶訖萬厯秉政遇江陵以是久得志不然外無功弊在從中制鼎言暨希皋劾章宰相繼自緣良弼亡始有鞠人伎江陵平生業此事洵稱最穆廟初御極暴骨徧烽燧旣結車營陣爰製拒馬器選烽調南兵策應身使臂強如董狐狸叩關乞死罪願爲不叛臣輸誠效貢市卽論三鎮饒歲僅廿萬費視彼隆慶初十甫抵三二邊氓耕有穫市價復衰益觀兵故非玩和戎况得利當其商榷時是能忘權勢將相協乃心賢哉古無對所以識時務方可決大計詎聞

魏絳非而稱子玉是書生紙上談在澗真獨寐元敬不宜
北斯言亦已展更有小人尤造作謠辭說謂戚賄羨姬竊
取江陵媚橫雲頗弗察採之登傳誌文和徑剛削乃免盛
名累褒貶苟不公何以示後嗣吾茲經故壘頗積不平意
鬱鬱古松柏橫勒盤山翠邊牆逐凹凸敵臺矗天際朔風
吹亂雲擁出石門隘俛仰多所懷于焉弔往事維今四海
清懿德時夏肆和親諸北部未賴及萬世敢將行役詩補
入寰宇記

壬申

題姬彥侍觀察

觀元

涵秋閣圖卽送其之蜀

披得新圖正送君
涵秋閣上倚斜曛
攜將廿載城南夢
飛過巫山一段雲

題潘伯寅少農

祖蔭

藤陰書屋勘書圖四十韻

漢設校勘官厥職故非細
準以中古文字字參同異同
異豈足辨于是辨名義非唯
名義然以酌古今制非爲酌
古今參兩見天地乃知天地
心所託在文字文字之不正
天地失定位所以四部書真
本集中秘劉向任經傳柱國
任方技東觀有馬融蘭臺有
傳毅佐之劉駒駭嗣得伏無
忌折中用延篤解詁推虛植
炳炳文林館博聞齊宋繪郁
郁麟趾殿年少周妣最泊乎
顏師古下焉訖蔣又檢正七
經

疏上言首李至用是唐宋後往籍復大備故凡讎校精書
以多爲貴必發廣內藏窺見緘膝密爲政宰天下讀書宰
萬世既近天子光斯救古人弊自非侍禁中鮮能善其事
吳中潘內相司徒掌邦計舊珥貂七葉坐擁書百匱金石
唯臣爲羔羊自公退祖庭垂葛藟繁陰覆梁甍况復異聞
多輒舉詩禮對鄭箋涵釋文兮流別涇渭坊記諸篇闕探
源資補綴酒研堂說雌黃無妄下魯魚抑亦次豁然萬卷破遂
使羣書治東京鄭司農春秋汰篇裘上下二千年題銜茲
克配吳門考證家何氏寔先輩南齋楷法工自寫諸書記
心畫與眼學誰云不堪貳此境良足美此事誠非易羣言

散萬殊千秋凝一睇秦老畫有神秦宜亭學片紙無窮意

何必歐陽公詩圖篇十四歐陽修詩譜序春秋史記本紀世家年表合以毛鄭之詩為詩

圖十
四篇

癸酉上年九月授江西督糧道未行二月乞病罷

寄子猷弟古城

又別汝一載告汝積千言鬱鬱七年事百轉方寸間在背

丙寅夏汝從西域還萬死不得血漫征袍殷獨負親骨

歸兩間人自完最慘值家難最深銜 國恩祭葬暨銓卹

不次官汝遷事詳君行狀先戊巳汝再出言旋厯庚辛今又出

西域凡三整凶門暫郎為將帥利鈍非所論况復重感激

而敢辭險艱吾侍老母病祿養資地官嚴親率危疆庶母
以殉身微汝莫歸骨吾幾難爲人泊乎辛未秋永感爲解
民既不詠南陔行又歌鼓盆乃拜觀察使督轉西江船同
氣相背馳吾內滋不安以病遂乞罷此路當避賢匪唯避
賢路用守吾太元汝自萬里行吾自十畝間行者尙矯矯
居者唯拳拳何時汝歸來與汝全天年

甲戌

春帖子詞

代十五首

令節占先甲迎年正浹辰

癸酉十二月十八日壬辰立春去新年十二日

垂裳

來萬國帝履邁千春

五色祥雲護 兩宮銅儀玉琯協東風 皇家喜迓 天
庥至萬派天潢拜舞同

重光彌德在羣黎平得黔南定隴西 新正月一日平初二日定時貴州甘肅以
平次三十六州春色滿不須交趾辟寒犀

孝德敷天下 慈暉蔭太平春華先坼甲雅樂肆由庚
兩階干羽護 護闕七政璣衡拱 太微道是如春 天

澤降 瓊樓高處五雲飛

香爇爐煙 玉殿閒工虞熙載樂春臺誰知隴上梅花信
雪夜先馳露布來 去冬甘肅肅清

裒海欽 仁政 璇宮仰 聖慈一年春兩度 上年正月十二日

春遇立 四野麥雙歧

六典欽承 九德行 乾符廣運 泰階平竭來 天上

簫韶樂吹入春風滿 帝城

春光下被慰 天顏不是幾重指 願聞送喜遠過西北極

元旦喜神 西北方 鐃歌唱出玉門關

乾符居以北 離麗斗之南 春衍千年入嵩呼 萬歲三

載紀平成頌 禹謨 新正月初一日 平初六日成 璇闥養 志邁唐虞

欽將 御筆宜春字題入千秋 帝鑑圖

春郊 行慶播 仁聲 虞陛賡歌備夏卿北塞已通南

微服于今日月氣銷兵

歲躔迴丙馭

懿訓懷

寅承

正月建寅

擊壤歌相答熙熙

雅頌聲

爽鳩鳥紀奉冬官春景融融正履端祭韭獻羔開

御宴

聖人雙捧五辛盤得人日辛

久欽

典學

聖希

天

乙覽猶勤手一編頌上十篇

周易注

宋仁宗至和元年十二月十八日宋咸上周易注十卷

太平不美至和年

題阿介石都護克敦布臨董香光長卷集唐宋句

二首

仙客何年下鶴翎

陸龜蒙

上樓同看老人星

和發

銀燈夜作華

亭月

錢起

豪末應傳願兔靈

柳宗元

銀鈎蠶尾爛箱簾

黃庭堅

新法儂家骨董羹

范成大

老去自憐

心尙在

歐陽修

隨宜梳洗莫傾城

陳師道

答景星橋摠鎮

霖

次韻集唐句

聞君有美酒

李白

希爲薦沈淪

張

寄世何殊客

許

飛書苦問

貧

周

聲華滿冰雪

高

衰邁久風塵

杜甫

余亦能高詠

李白

詩仙

瘳始真

魏合星橋體群

次星橋七夕贈歌者韻集唐句

見說風流極

李商隱

相知一兩人

高

杏花如有意

張

竹葉兒

黏唇

羅隱

墜珥時流盼

李羣玉

香衫軟著身

杜牧

星橋百枝動

張文

恭七

今夜可憐春

羊士諤

陳培之農部傳填詞圖歌

倚聲本樂府託始齊梁間翔其名曰詞骨詭而皮妍唐宋
訖今千餘年既已垂爲不朽言此中毋亦有道存不者可
謂文中姦乃知情其情者人其人如彼情有七札厚唯詞
爲能射之穿其餘諸體文字皆不然當其下筆時方寸之
密卷大千聖人有見天下隕厥有柔者能攻堅靜極可以
通地天黃老用之得其偏不謂詞也探乎元之元吳中陳
侯官地官文章政事胥能賢一時傳誦詞一編自其本體
而觀之不數三影之張先置諸君家無住庵去非烏得美
于前

宋陳與義撰無住詞一卷無住其庵名也

江妃嘔而聯璧

見江

考叔敢弗顛

沒骨花卉傲荆關風流綺掇人所憐予日是尙未窺詞之
源爲侯題圖歌一闕以爲淮南之言詮

題理安訪夢圖集蘇句十首

道光間桂文敏公

芳

鞠獄粵西道率武昌而示

夢於曹文正公

振鐮

曰某與公皆理安寺僧今

歸矣卽率之日也既而文敏之弟桂杏農觀察

昔分巡浙西訪理安寺作訪夢圖張嶼山太史

岳崧爲之記云

西湖西畔北山前此境蕭條却自然唯有夢魂長繚繞月

圓仍缺缺還圓

理安寺在西湖

憑仗西方作主人一番花老一番新苦心欲記常迷舊空

裏浮花夢裏身

謂文敏前身爲僧

吉祥寺裏錦千堆却被江山未放回猶有夢回清興在問

公更得幾時來

謂文敏示夢於文正文正以次年卒

學仙度世豈無人長恐青山與世新得鹿亡羊等嬉戲無

緣却見夢中身

謂文敏卒

古寺無人竹滿軒佛燈初上報黃昏欲窮風月三千界來

打三更月下門

謂觀察至理安寺原記有翠篠參天語

羽衣著屐響空山曾借僧窗半月閒今夜生公講堂月要

知何處是無還

不知門外有塵寰寺後清池碧玉環大士何曾有生苑上樓相對夢魂間

雲奔浪卷入簾鉤能爲山僧更少留欲向錢塘訪圓澤故

教江水向西流

以上謂觀
察訪夢

大旆傳聞載酒過月明歸路影婆娑西行未必能勝此縱

使重來奈老何

謂觀察自
理安寺歸

罨畫西山拍後期抱琴欲訪水仙師四朝著舊冰霜後應

有千篇唱和詩

謂觀察繪圖徵詩文正觀察之
女敏爲嘉慶己未進士

後園十首

小病謝人事殷勤築後園蒔花尋蝶夢種樹聽禽言短榻

可身卧舊書随手翻微嫌池水苦鑿井自知源

邊處多餘地閒中盡樂時石呼兄弟輩樹有子孫枝尙可
三年學當吟五賦詩仲宣無事事何必覆人基

虛籟風三面清陰木十尋偶書已邊筆自拊新紋琴爲愛
隨時景能安現在心方塘春草綠休養一何深

敢謂豐其蔀當知坎不盈假山低有致池水小能清雨到
微時潤雲從歸處平偶披顛素草尙覺意縱橫

幽意不曾覺當前領畧多雨聲聞薜荔晴翠下藤蘿無限
夕陽好其如良夜何據梧聊復尔豈是碩人邁

有亭亦軒敞小院得虛清短竹自成蔕羣花不著名書傳

董元宰賦記謝宣城並涉園中趣悠悠思古情

得董香光書謝元暉

游後園賦卽以名吾園

所好誠無射吾知信有涯
泥抽牆角笋蔓引藥闌花
時買玉泉水新烹活火茶
故人情話久往往日西斜

遠志吾誰與而今老是郎
海棠經雨淡桑落未秋黃
臨水知魚樂看雲數鴈行
邊城方將將應爲寄衣裳

經訓兒能授疆場弟未還
一身居燕燕兩目夜鰥鰥
此境

真如水何緣更出山
蕭然無去住遮莫是禪關

未審向誰是似曾知我非
論文眉不展對弈手如飛
蕉鹿

原無夢茅龍且授衣
吾廬容膝好蹙蹙欲何歸

復復軒詩卷四

兀魯特 錫纘 遂諡

古今體一百十一首

乙亥

光緒元年

二月初七日

詔修

穆宗實錄總裁奏令起病

提調館事恭紀集杜句七首

門徑從榛草天台總映雲多慚病無力不是故離羣未負
幽栖志還披鮑謝文無人覺來往涼月白紛紛

哭 廟悲風急高當淚臉懸 羣華森已矣吾道卜終焉

感激時將晚栖遲病卽痊 先皇弓劒遠空覺在天邊

愛客尙書重知深難固辭餘波期救涸 湛露卽歌詩用
拙存吾道論文笑自知 聖朝新孝理再覩藻官儀
特進羣公表蒙 恩早厠儒願深慚鍛鍊亦足慰榛蕪今
日看天意 神功協 禹謨衣冠心慘愴浩浩略蒼梧
衰顏甘屏跡樽散尙 恩慈雕刻初難料 蓬萊仗數移
轡來披述作此道未磷紉史閭行人在都非少壯時
鼎湖瞻望遠聽履上星辰黃卷真如律青雲滿後塵稍酬
知己矜方凱薄才伸書籍終相與乘時各有人
領郡輒無匱空慚驚鷺行浮名尋已已迥立向蒼蒼 太
后當朝肅儒門舊史長依然 七廟略白日到 義皇
先

以江西糧
道乞罷

丙子

升竹珊觀察泰以始見白頽詩見寄次韻報之

一生幾莖蓋膽毛聚錢千萬黃紫標晚以須頽自養度其

首有頽歆枕凹耄年鬢生寸半角尹雄事見徇齊不如童

結髻吾逾五十齒落半以物入口頻蹕跳君未四十頽見

白乃希裴垺勳名高垺四十入相須髮盡白見南部新書將須早識不凡器

迭又不頓屠牛刀三十河東處置使政之所播聲遂條論

詩山谷亦傾耳于思百戰歐陽豪吟頽試以星星染應若

見颯微雪消吾齒病剛既已折縱有未折皆動搖有舌頽

讀意亦足是豈猶冀弓旌招退之此日足可惜子雲作書
爲反騷昔君少壯面目澤十年前共官農曹須髮何與神
明事今看歌頌同耆髦

代徐蔭軒侍郎桐題趙粹甫太守佈宸所藏醕邸

自書詩卷集杜句四首

文采承殊渥波瀾獨老成得無中夜舞蘇使寸心傾交合
丹青地天長驃騎營淮王門有客前席竟爲榮

扈聖登黃閣分明在眼前輜游阻詞伯遙憶舊青瑣

醉舞梁園夜朝正霽景鮮平生耽勝事此別意蒼然

粹甫直上

書房除
鎮江府

霄漢贈佳士空殘舊宿枝翰林偃華蓋
講殿開書帷感
激時將晚
蓬萊仗數移涼風新送鴈排悶強裁詩
蔭軒曾直弘德殿

伏枕思
瓊樹三移斗柄春南圖迴羽翮薄宦走風塵用
拙存吾道如公復幾人轉蓬行地遠佳句莫頻頻

子猷弟寄到自題馬上小影

十載長吟馬上詩邊人誰識好鬢眉相憐止有天山月認
是班生未老時

附原作

馬上誰更生子上馬行行千萬里問子何爲踞夏生兵

火凍餒不曾死，匍匐雪海冰。山裏負骨還鄉，又來此三
十四歲四度來。兩侍臣兩奉使帝命攻賊壘，封豕啜人
劫不止。十年積恨何時已？始來束髮今落齒，未報君
恩臣老矣。于嗟乎戛生子！

丁丑

元萬戶印歌

建昌幕友得元銅印文曰萬戶之印可今尺二寸介於觀御冊大令郵致

屬題

不從內攻不橫蹕，但以大力從外包。四千年來論兵事，元
取天下功最。高兵籍他人罕知數，一二親貴統萬戶。萬戶
銅印今尚存，繚篆四字餽土文。有客得自白狼縣，此地當

年屬畿甸大帥佩以金帟符二十二翼速傳箭黑馬管領
萬戶三重喜天澤羣相叅牌頭漸丁不勝用瀚海北底江
淮南南北之戶最多時一千四百卅萬奇萬戶馬上徐得
之此印雖小功可知按元典兵官以兵多寡為秩崇卑長
萬戶有二牌翼佩金用符一為漸丁二親貴重臣在之初以兵
十人為一牌翼頭金用符一為漸丁二親貴重臣在之初以兵
雖樞密近臣不盡知其數惟長官一二人知之又至順初
籍民戶增至一千四百四十萬十萬六千九百九十九以上見元史
諸志太宗始立三萬戶劉黑馬為首重喜史天澤次之見
黑馬傳白狼山在建昌今名布祜圖山班固云白狼縣有
白狼山故以名縣見
乾隆府廳州縣志

次顏雪廬觀察

宗儀

韻效昌黎和皇甫持正陸渾

山體呈史館總裁寶佩蘅師相並示諸君子

聖堽孔揚能德攻大有之年薦寶體操筆紀實非翻空用
稽 帝典垂無窮今卽命日記功宗纂述 懿訓其聰聰
維上丞相太史公旁招卓茂借魯恭旣適目館東鐸東醴
涼醬醢因時供 帝曰洪惟予幼冲言必及意咨汝忠肆
成朱墨史一通迺受 上賞禮有庸泛階林官豐祿鍾有
食肉相愉其容百拜稽首三呼嵩于 帝祇承 皇降衷
卿雲有爛輝輝彤下走忝告中行從巧心勞手會眾工臣
纘不慧慤爲童木天吉士如濯葦金匱寶訓妙鑄銘調鶴
雕龍文中雄鋪觀 前烈今繼洪羣剖錦腸星斗胸灰玉
者錯刀者磬鼓舞踴躍相蔑蒙答揚文武光四充元黜關

逢詳初終

同治元年壬戌
訖十三年甲戌

從旁竊跡頗不矇造語警拔才

惺鬆豈曰無人孰其功縝也繼世都尉封

縝以輕車都尉
江西督糧道授

京次將拚入文昌宮不執手筆挂腰弓典學慚于高堂隆

提調不
預纂書

太歲在丑鵠火中

九月廿七日以
全書過半入告

平泉花木猶白

紅燕燕頤顏互飛翀公讌袞袞非忽忽相彼渠渠夏屋幪

東閣官梅澆酒釀左右肴核紛錯重

讌集師相
之東園

賢才如柞

枝葉蓬詩律橫吹聽鳳笛豫章亦饒西江風吾師大箸潑

墨濃書法矯若天門龍百首和之羣扳逢一紐玉硯書

帝鴻

倡和詩九
十餘首

既和雪廬之詩同歲生孫萊山太史

號汝

胡鍊盒

駕部

義質

皆疊韻相啗嗒然有今昔之感再疊一

章酬之

今年災歉聞所攻晉人欲麥難煮糲宋衛陳鄭積貯空迅
駛歲陰無迺窮不有經國劉係宗安用五聲多于聰肅肅
者庶明明公載紀謨訓滋益恭維時春回斗枋東帝
嘉丕續胥陽供羣公在福心清沖是豈用臣陳陋忠書樓
孫氏浚而通與胡伯始擇中庸兩美抑又天所鍾嗚然而
大難可容產東之岱中之嵩黃鍾宮音清濁衷旣傳雙管
貽我彤念我蒼邇游洞從臣之壯也百不工茲迺齒豁而
頭童噉馬噉牛朕身鼓迺心匪金矧已鎔曩者亦頗文字

雄一鳴嘗奮聲雙洪久矣慵不書澆胸二君苦欲相鐫龍
其如力擊猶困蒙哀焉若笑吾耳玄規眼冠蓋皆嚴終煇
煇賸誦如睽矐方讀未竟毛髮鬆奮筆一擲貪天功管城
肆有茅土封學士之管日華宮荷淑鍾陪陳仲弓用目昭
假當蘊隆蒼生且施霖雨中愈于持節散陳紅攄驥則伏
海魚翬撫今追昔何忽忽二君言惟吾能幪不者罰目荷
荷醲詠嘆不足言之重夫子豈其心有違試相傾聽黍谷
笛廣莫寒凝不周風吹來霧凇零澌濃下土儻何天之龍
河閒種麥名曰逢作訶勞爾磬磬鴻

海風邊月圖爲師舟大令賸

山月光清關月冷海氣所偪月光迥惟有臨渝三者兼月
乎爾將何以堪臨渝大令願月笑是間要爾叅眾妙颯颯
天風拂萬竅影入空明聳寒峭長城飛島供奔走路通銀
藻月知否月如不知看吾詩吾未吟詩月早知吾但有詩
不爲圖恐人以爲世間無月乎月乎應是前身吾

師舟復屬次原韻集唐應之二首

涼風起天末伴月落邊城今夕復何夕悠悠蒼海情杜此

時飄紫氣

徐賢如

詎肯狀秋聲

朱慶餘

孤嶂秦碑在

杜誰能引

我行

姪台

趾沫噴巖翠

朱

蛟涎浸岸腥

李商隱

海雲侵鬢起

楊石

壁

斷空青

杜甫

塵累忽相失

李白

新詩更憶聽

杜甫

登樓望秋月

李白

還得卽元扁

李商隱

題故某方伯泰山紀事詩後集元遺山句四首

驂騑爭道渺翩翩水宿雲飛共一天平地煙霄付公等山

中多少地行仙

登岱

諸峯羅列擁朝臺絳闕遙天霽景開安得天瓢一翻倒天

池一雨洗塵埃

勝雨

空對山靈說到難東峯日上海波寒詩翁自有無聲句今

在羊腸百八盤

題詩

萬壑千巖位置雄好將傳與黑頭公龍江文采今誰在金

馬衣冠一夢中 遺藁

戊寅

徐蔭軒揔憲六十壽詩

改兒子齡昌作蔭軒以兄之子妻昌又爲乙亥鄉薦

主座

東海家聲舊西山道學昌不危長守貴積善有餘慶開府
揚前列趨庭識義方譽髦推伯仲作手擅詞章自賦高軒
過其能韞積藏勲華曾許史文藝且王揚遂領神仙職尋
躋駕鷺行 深宮知內翰 講殿侍 先皇敢以 恩優
渥而無事贊襄 聖功由養正弼直乃惟康金匱垂 遺
訓 璇闥觀耿光 廟謨陳 兩代史學備三長 北闕

頌綸綽南臺挈紀綱立朝真柱石達道此津梁今日羣
稱祝生徒但仰望心傳誰可接耳熟竊能詳衮衮門如市
纍纍笏滿牀抑知光有耀必合德無疆天上麒麟育人中
騏驥良世家崇閣閱偉器重圭璋說理參朱陸研經溯漢
唐鏡門同玉鑰行檢及言坊用是嘉猷告因之治具張有
文成黼黻與世埽秕糠不匿金心白宜占鼎耳黃長依
瓊樹蔭早挹木樨香小子追隨久先生杖履旁南容慚宅
相子貢伺宮牆幸際耆英會咸登畫錦堂語云仁者靜頌
叶壽而臧裕後孫千億當前馬五常萊衣看屢舞錫福摠
煌煌

題謁人農部修竹山房詩集八首

夢中猶憶讀書庵，亂後詩情百不堪。墨瀋未乾都是淚，

子山曾賦大江南。

謁人妻孥皆殉金陵之難

金陵詩派接歐梅，風雅相參有別裁。賦到七哀見情性，始知源是六朝來。

六品頭銜一卷詩，郎官廿載與逶迤。不應毛穎封侯日，正是司農仰屋時。

三百爲羣屬地官，豈容島瘦與郊寒。同寮君記當年否，相與裁詩背後看。

景山北海作比鄰，小築幽栖足晚春。帝里鶯花託新詠，

誰知曾是亂離人

春草離離春水波風雲氣少爲情多刀環馬策陰山下又

聽蒼茫敕勒歌

藹人有事於殺馬口

瞥眼燕雲十六州角聲吹出朔風秋聽來變徵音多少一片詩情萬斛愁

今日相看各二毛子雲懶作反離騷不如拋却毛錐子左手傾杯右手螯

五月旣望同館讌集龍樹寺次佩蘅師韻

久旱欣逢澤滌漓城南式燕寄遐思梵宮食肉無妨雅槐市論文未敢奇酒在陶然亭後醉客從天祿閣來時吾師

別有移情處一片蒼葭漾綠漪

鍾雨辰殿撰

駿聲

以公讌五古詩呈佩蘅師依韻

和之

公門桃李多咸有欲炙色陳饋蹲蹲舞輒思報食德維夏
五月望城南遂布席蒼蒼龍樹寺蒹葭宛水國文人舊結
社縑流此挂錫蒸然騅來思未聞牛喘息時則雨祁祁先
是川滌滌眼看稷黍介知免調飢怒于焉相頌禱匪直需
飲食福祿肴旣馨彥聖酒溫克吾師式庶幾斯民今不盡
子曰蒼旻止兩星終律厯人事倏變遷景光滋愛惜槐癭
已削枕崔葦仍載續上下泱泱水左右芄芃械吾儕噉其

饁儒服要之裨屬屨聊復爾借箸良非易咄咄鍾狀元目
炯鬢如戟睥睨陶然亭引滿浮大白競唱迴波詞亂灑隄
糜墨雄文唐孫樵萊高名藻童翌遜張顛自草聖芝洪崖
亦仙客卿文以外尙六子有才各一石七階清望官九功歌
頌職况撫成連琴傾聽桓伊笛師先口憐習未忘頗爲眾
所激不然中書禿敢作偏師敵酬答未及已杯盤恣狼籍
微雨灑歸路斜日澹將夕相送南風薰回首西山碧

己卯

戊寅之冬縝拜駐藏大臣佩蘅師相以詩贈行會
病不果往次韻答之二首

回首閒雲出岫時春風吹到不曾知五年又作華胥夢四
牡俄磨獵狔詩老去中書空脫穎病餘禪將敗褻旗會看
朝丹從驪後圭瓚應教名庸釐

四朝雋老越三孤矍鑠精神不給扶貢舉昔曾知李薦師

丙辰知貢舉史才今尙託令狐進從燕許揮椽筆退看兒孫採

蠟珠却憶關山鴻鴈北駢駢萬里有征夫舍弟在塔爾巴哈合

附原作

史館趨跼閱歲時清剛聞望舉朝知有緣小住烏斯藏
無敵非徒白也詩電埽堅且驚草木風行贊普避桎梏
蒼生霖雨花門共達賴班禪亦受釐

苗裔空傳利鹿孤

吐蕃多禿髮苗裔

法輪仍仗偉人扶

藏中係辦達賴

等事

彤廷選士來鳴鳳紅教參禪却野狐

今之野狐甚多不止紅教

也

三疊陽關宜勸酒一年合浦喜還珠

謂副都統衙

封侯金

印刀環曲早送佳音慰老夫

題瑞南星太守

昌

端州宦蹟圖八首

星碁拜石

仰盼星碁星磊磊皆石塊賴有石補天畏天敢不拜

梅盒觀稼

不問梅盒梅用將田祖御乃知子賤琴卽是樊遲稼

頂湖問禪

茲山以湖名有湖在山頂

見方輿紀要

欲問上乘禪試聽松風

冷

晚香課士

濟濟譽髦士羣躋太守堂清芬挹不盡絕勝海南香

披雲攬勝

倬彼北城上幾兀飛雲樓一瞥牂牁水茫茫千里秋

寶月延荷

何如水之清何如泥不染不見寶月樓其下有菡萏

硯州訪古

食墨所必懲關節所不到豈有一拳石而令包老筴

閱江呬遠

有官二千石有家七千里迢迢北斗星滾滾西江水漢武帝自

巴蜀發夜郎兵下牂牁即今西江路也李吉甫曰端州當西江口入廣西之要道見方輿紀要

次韻曹吉三侍御秉哲莫春讌集嵩雲草堂示及

門之作二首兒子齡昌乙亥領鄉薦出侍御之門

烏臺驄馬控青絲庶洞皋比講學時侍坐一隅應待舉高

吟七步尙嫌遲春風吹到曾誰覺諫草焚餘只自知回首

熬峯聯句在曾與侍御同事史館名場歲月逐塵馳

大兒文舉屬通家文學吾慙鄧仲華碌碌臣以病乞罷官猶弄筆茫

茫絕域敢乘槎病餘豈少經年艾續拜駐歲大春好偏多

復復軒詩卷四

三

近日花移節會除觀察使

侍御以道侯簡

浮沈宦海盡搏沙

吉三侍御除蘭州分巡道書隴坻舊作予之題後

四十年來來往詩關西走馬憶兒時如今書不勝書得尙

有關西父老知

續自道光丙申侍宦赴甘

庚辰

龍筠圖吏部

文彬

以二月言歸江右留詩八首次

韻酬之

忽憶尊鱸不待秋回看富貴若雲浮敬兒夢熱方揮手巢
父詩成已掉頭未肯盡除名士氣何如稍慰故鄉愁此番
風送滕王閣萬里長江是壯游

平生文字少相知，邂逅如君轉恨遲。
杯酒月中空有我，澗香風裏苦無師。
不寒不暖清明節，爲雨爲雲翻覆時。
之子竟隨春水去，誰云江泳可方思。

飲河滿腹不知餘，振雁南歸計未疏。
是豈碩君尋鹿夢，翻來索我換羊書。
符圖方陶陶且自聯新詠，鬱鬱安能更久居。

臨別纔朝猶有贈，莫嗤五穀學三閭。

珍同金碗藥能燒，士也如銅敢自驕。
偏是音從弦外聽，忍將福在筆尖消。
鄧颺體態臨風柳，摩詰丹青著雪蕉。
側媚不如通脫好，何曾噩夢到深宵。

無那憐君亦自憐，礪礪敢謂不磷堅。
讀書頗羨如神筆，委

費嘗辭役鬼錢五體半生羞着地七年兩度乞歸田

子以

授江西糧道成寅行行却笑南柯螳磨上隨人作轉旋

聞外將軍命自天烏斯記里萬三千遠行未着登山屐久

病空拋買藥錢伏櫪殊慚良馬對陟岡猶寄角弓篇卽今

弱弟爲邊將家世看羊敢避羶

先桓靖公久在邊重舍弟繪現官塔爾巴哈台參

贊大

交交飛鳥倦知還坐看雲歸玉笥山微我似君求志少何

人如彼用心艱莫將畏踣傷孤特但願承庸格庶頑狹里

兒童相識否幾莖鶴髮有詩斑

風雪之中亦我過

今年正月大雪

問君奚取病維摩儻教樂志貧

無患但說能文謗已多信否佳山曾入道可知吉水不揚
波他時和汝長干曲六一堂前一放歌

題阿閭珊師

彥達

寒燈雙課圖示文孫壽翊卿勛

自纒八歲時從師授句讀師言少孤寒句讀無師授母氏
授兩兒一燈讀兼繡纒見太夫人輒將所讀覆改歲師還
籍俄而蓁莪奏圖成又星終寢門哭師匱

師通籍於壬辰作圖於丙辰卒

於丁喆嗣亦繼率一孫肯堂構匆匆四十年厯述纒敢後

庚寅訖庚辰 四朝史在右老成遽凋謝人事替新舊茲

圖書後者唯兩相國壽

謂全小汀戰鶴峯兩相國

纒也垂六十所志未

成就乞病兩歸田間雲翮入岫憶師西域歸金倉德功懋

師先爲古城領隊大維時歲丙辰纘甫春官信祭豐甯養
臣漸升倉場侍郎薄斯圖理可究纘今亦鮮民百感使心疚良木旣云壞孫
枝挺而秀汝茲隸天官行壯學尙幼詒謀在孝思傾汝善
妥侑

陳培之農部倬乞假歸吳留別四首次韵送之

年年明月到秋多天老斯才髮欲皤好夢何須驚後醒長
塗况自險中過本非謀食羞彈鋏不耐觀碁恐爛柯南望
白雲鴈歸去敝衣耻與衆肩摩

溫余漢上只題襟文法須將道力任與子敷陳今古事頻
年互作短長吟頗嫌具軀無負氣浪得虛名豈素心眼有

千秋難下筆等閒著作本如林

無才敢作不平鳴爲唱驪歌感慨生維昔與君同轉饌在

邊有弟久提兵

謂舍弟綸

艱難至此當誰屬出處因時只自明

萼菜秋風引歸路回頭攬轡望澄清

朝花紅皺夕黃薦薑桂冬繁性所便正我欲眠君且去有
誰能喚子來前甘陵北部同南部吳會今年是稔年獨羨
季常歸隱樂酒香盈甕飯盈篋

辛巳

病後讀書十二首

辛巳春正月予病亦已篤有時夢父母醒猶吞聲哭家人

顧大感謂予且不祿予曰是有故汝毋亂心曲人心窮返
本此時理勝欲或則無立錫或則將就木甚者將伏法咸
思義藁藁兄弟急難時往往甚相睦當其履豐厚多不返
真樸豈是明德昏晏安所鳩毒君子苦心志恐懼乃致福
小懲而大戒故是小人福臣也畏君法父必將子扑或之
所親愛不忍苦相督惟天執法嚴明允判刑服乃知人疾
病其始感寒煥甚致招二豎良由縱六欲敗度至無赦有
湯命難續譬如置重典所謂其刑剝其次稍敗禮亦難免
桎梏醫藥之所費以當金作贖諸罰天有權無縱亦無酷
君子畏天命戾敢厥躬速魯論書慎疾大學言慎獨

吾當疾革時參苓頗爲功疾愈尙服藥猶以參苓供有客
日止止是藥可勿庸貧有昏祭事財向富者通事訖若再
假所負滋重重他日索其負釜且十爲鍾日用貴自前毋
以人禦窮予謂如捕盜必募死士從事平亟遣去不者將
反攻兩臂平而喻書以遺醫宗

有作易以傳羽翼經與史剽竊與依垠其言多渣滓甚則
逞凡說強奪咥賢理良由所託高後人無敢詆而彼藏書
者必先按甲乙巧博身後名斯術亦已詭收儲數百家鑒
別能有幾觀者或模糊作者半真僞沙中求黃金端在兩
陣子

重臣與大將史家多微詞匪是所見偏或偏不自知朝廷有紀綱所貴以力持楓宸以爲憇何況槐與棘推轂制閫外生殺任主之良莠難遽別撻伐無敢遲愚者或肆謗明者亦見疑碌碌靡短長守貴高不危後之執簡人豈能公是非所以信史少慎勿爲史欺

或云士論惜或云時論少此亦史微詞褒貶在言表豈知當時士未必盡明曉事外論易偏事後言易矯當時有恩怨頗難詳細考試觀春秋書不用語助巧

文章忌膚詞去膚文乃真及至膚詞去幾難謂之文如人無皮肉僅有枯骨存淹淹一息在尙復得爲人乃知人有

體要在骨肉勻八代雖云衰不失酒之醕絕非水濟水飲之不入唇所貴腹內書猶若釜底薪空空無一物慎勿有所論

學者不能思乃惟因是病此非論讀書其理可互證古書千百年精義本無竟但隨思所至如鐘叩斯應仁智各有見日月摠新盛要以妙明心細叅大小乘極之通鬼神豈徒夸緯經爲文去陳言所貴以思勝

喻義人莫知喻利人易曉凡爲利所在常與心繚繞攻之乘其墮伏之監其腦取之逢其原習之盡其巧好學有若斯所入必微渺乃知人心靈舉世愚者少良由擇術差遂

今上下考氣衰之戒得亦猶發憤老一時七十念何弗辨之早

好古所推極金石以爲主旁搜及甄瓦又掘銅于土書籍木雕版翻刻輒失古宋金當大劫祖本世罕睹賴有開成經上焉周宣鼓援以證經譌有功在甲部抑且碑志文足爲集部補紀官與紀年每與史相輔如石有九功金乃無其五第就點畫論貞珉多可譜鐘鼎在款識譌畫難悉數唐賢自刻碑鐫工有儻父顧以顏色佳往往入秘府二者不得兼吾惟石是取

今人好議論可喜在新奇世惟奇是喜古爲辭之詖卽如

四書註多與文公歧豈知所歧者公早駁其辭載在或問
中此書傳甚稀而公說所祖今無書可稽又如許說文南
唐徐始治後人據徐說以駁秦相斯少溫工點畫亦併爲
人訛中唐所傳書二徐或未知介甫強行法所令多逆施
官禮法雖密周實未行之人情喜新特鮮能辨醕疵爲學
不知本爲政實可悲尼父尙祖述一言莫敢私但以竒見
賞治術祇自疵此風闕治亂毋使趨澆漓

世人好講學動夸宋與漢試問宋以前學也從何判內外
之所會性理與經傳大賢有心齋通儒無學案撫實昧虛
靈蹈空冥聞見如水但隨波如木早折榦强者相攻擊弱

者守門限是毋別流派先宜辨真贋所以真學者無畔亦無羨精粗視所造但有不厭倦

夏初大風寒甚感賤

杜老長吟憶昔行可憐詩賤比蘭成宦非嘗味難知薄心未忘機肯遠平空際沙迷天入夢寒餘風際雁來聲當前何必蕭條甚視聽希夷本不明

阿文勤公奉使朝鮮圖爲鄂立庭學士

補賤

唐陳大德官職方便于高麗所歷詳曰愛山水其言廷紹

其官守導以行

元見冊府

惜無圖說傳其秘宋有徐兢圖又

亡章佳文勤三奉使鴨綠大同江水長其國道三城十二

如鍊鐔在雙目睚探巖排碣盡屈曲作繪陳詩儲縹緗微
論裁事足千古此舉實邁宋與唐標題列若名臣錄什謁
陳之丞相堂今茲書後強著筆仰首而眎難伸吭卽書難
求求圖易伯厚有言能提綱試觀容色在嘉禮威儀抑抑
群躋蹕是邦尙稽義琰語天子使抵小國王峴孔使朝鮮
者不勝數一人三使無與當我 朝輶軒出絕域禹貢圖
考窮遐荒萬國玉帛屬于道期會不盡同冠裳營州陪臣
亦嫺詠于彼原隰歌皇皇葩經贈荅古所重肄業先于君
命將貞觀元獎挾偉論高懸弭兵遵王章見冊誦詩專對
有維繫不者何事徒梯航秘閣學士保斯冊 恩波手澤

邦家光

竹珊以滇南方伯抗疏爲伊犁叅贊壯哉行也歌以送之

壯志縱橫九萬里
葱嶺滇池咫尺耳
抗疏千言達帝聞
不爲方伯爲將軍
將軍投筆據鞞筴
班生未老賈生少
整頓乾坤濟時手
會滌九川宅四隩
講求兵法常山蛇
變幻名場君子豹
甯從絕域鑿凶門
肯俯食泉開飯窖
我有造西陲西爲
城康居國車師不
消冰雪成道路無
邊沙磧相驅馳窮
荒大漠版圖共蠅
蟻喘喙言筴譜六
合如人及其壯氣
之所貫神與隨將
軍將軍氣如虹盍
功可救文

治窮不者何爲投袂起欲以將洗吏之恥只今圭瓚錫旬
宣席拜祝天千萬年九重夜半虛前席西顧何如聚米
山

壬午

題黃雪軒河清畫冊十二首

曼卿託夢幻靖節樂天命借問芙蓉城何如松菊徑
吾謂羅牧牛愈於韓幹馬千里志難償一毛利天下
天地一指耳呼牛應以牛誰知道子畫寓意在莊周
不見傚傚舞但聽嚙嚙語一片落霞明詩情滿江浦
嘗射山中彪將軍以爲樂猝然遇真虎將軍弓矢落

溯洞信所之微波趁小艇晚風徐徐來疎林岩秋影
立功無驪蹏託業有鷓鴣豈是鳴夷子扁舟泛五湖
偕宗五大夫儼然爲立仗不爲石將軍而爲山宰相
癡翁參盡禪破塵斯適性倒影看秋山澄水山容淨
茅亭在前路扶杖過橋東居士坐何處茫茫四大空
淵明眠石上醉眼觀瀑布彭澤歸去來掉頭不肯顧
雨有淫與暴惟雪無惡名乃知天地心所貴一以清

竹珊都護以其先公所書楹帖刻石宸潢成冊屬

題

事親無不愛至於珍手澤事君不自愛極之裏馬革相同

結意誠無競秉心懇所性非爲名懇懇在惻惻伊誰一以

貫吾友升方伯抗疏數千言凶門鑿西域臨別貽一册先

公所遺墨吉祥錄駢語楹帖書晉漢洗舊聯題勒宜方幅軼事蜀

夔關昔在夔府所書楷法顏魯國裴演著縑細撫泐上珉石舉世

說忠孝無乃增媿色銅山與飯窖嘗令人或或鬼域若焉

依君親轉離迭愚蠢到公卿豚犬但飲食或稱書勝父輒

爲易真跡投則改其政曾未安窀穸仕而有所慕熱中患

不得食食不死事乃弗如臧獲遺投雖艱難直枉計尋尺

臨民猛于虎遇賊退若鵠執殳孰前驅棄甲孰當敵良繇

自愛甚根本故未植方伯能致身早竭事親力不然孝思

匿隻字豈遑惜書後自記詳尙使我心惻竊願持此本以爲臣子式時維光緒朝太歲在元默

九日憶子猷弟塞北

十年十度看歸雁又到今年草木黃大漠窮荒思弱弟淒風冷雨過重陽同懷出處相參錯異域音書半渺茫近日詩情聊寄與傲人天氣菊花霜

佩蘅師和作

每逢佳節縈離緒况值東籬菊又黃碧海鯨魚吟杜老青天鴻雁拍衡陽迢迢暮景多根觸落落詩懷入混茫把酒持螯應憶我峩眉山下月如霜

師亦有憶弟在川之作

佩衡師示憶弟玉堂之詩次韻

天宇橫秋月滿霜
烏梁海畔蜀山陽
樓華同賦征人怨
菊徑相參晚節香
萬里詩懷牽地軸
四篇新帖寄巾箱
川中應有斜川集
蘇過有斜川集勅勒川歌孰短長

附原作

老境侵尋鬢欲霜
風風雨雨感重陽
無詩恐負黃花約
有蟹真教綠酒香
滑澁聽人愁道路
豐登爲國祝倉箱
是日監放兵米茱萸獨插憐予季
巴蜀雲山紫邏長

潘伯寅司寇祖蔭孟鼎歌爲蔭軒宗伯賦

周宣孟鼎司寇藏辯證先是劉庭吳燕吳子詳李仲約氏受補

爬羅抉剔生光芒贊語奚取塗塗附中書老禿毛不長

竊見陳氏毛公鼎壽卿家與承光鼎相頡頏承光殿鼎與孟相似二

器量胥小于是是則大耳金鉉黃已伯孟鼎箸古鑑謂口

若孟侈而張茲銘寓誠饗饗意伊誰敢洙食指臂魚鼈鮮

魚簠簋列以觀朶頤如嚼香乾肉黃金象噬嗑明罰勅法

占者當君子之心小人腹覆餗折足多所傷慎言節食義

相屬違行有訟懲險剗潰河蠲穴傾山涵傳元銘口宜川

防無俾大怠亂邊亘尙其肄及寶筵章三代彝器垂往訓

秉彝好德資以圭第論字畫特奇崛五十六體窺氏將銘

詞載云南公寶廣陵盤曰西宮襄併入元和姓氏纂數典

可補史佚亡司寇好古軼成癖禮之北方同周璜百夫輦
轉五千里遠自隴首來耆亢獨以搗本餽宗伯一時歌頌
傳詞場

題風雨歸舟圖

湖水始波清漣漪秋山靚妝紅葉肥斜日欲落未落時向
晚輕寒侵入肌細雨微風不速歸烈風淮雨將何之

題明吳橋范文忠公手書十三通卷

名器毋使朝廷輕議論當持萬世平人才更爲天地惜文
忠旣沒三言立今見遺墨零星橐精神勃勃魯公草邢張
董米形質小東林權璫兩不阿當年狷士吳橋多子孫守

此無滋他所願剖劓付安民千載常教手澤存世家寶爾

十三筆史館名先二十人

順治九年表章前代忠臣二十人文忠爲冠

癸未

九日和子猷弟寄和去年之詩依其韻

去歲重陽寄詩去和詩寄到又重陽一年一首詩來往十
首詩成兩髭霜松菊故園秋瑟瑟牛羊衰草野茫茫鴈行
更寄空中字塌入西山落照黃

附原作

客髭欲隨荒草白菊花不共塞雲黃十年九日縈秋思
一片孤城冷夕陽身似春令飛寥廓目窮鴻雁影微茫

詩情無託從何寄只有刀頭萬里霜

仿白香山新樂府體十首

封神

神之格不可度神之靈若或憑一日一神數十處一處數
神更迭護在神之列不具論列神以外神紛紛正史外傳
若而人于今撫拾皆明神勝署自南齋議封自祠部銜命
縱橫填驛路宰官治民不自治舉神代治民相依轉爲神
所受知師神食福兮官爲尸下而宰官上大吏但有事神
無事事好官事少得錢多且有門下神護呵有神民將奈
官何

復復軒詩卷四

四

任子

任賢勿貳更任子世祿之家克由禮古人學古乃入官入官太早讀書難讀書難任官易往往多在成人次服紅紫兮轂丹朱飲食衎衎屋渠渠當日父書挂牛角其子揮金如馬勃是皆莫知苗之碩詎意晉有佳兒王鎮惡藍田生玉諸葛恪蘇襲子頌在有唐宋之三槐晉公王堂櫛之美邦家光于嗟乎止於孝者止於敬以是不除任子令

勇蹕

巴圖魯是國語勇號嘉其武落鴈都鴈揚父如熊如羆有猶有虎一戰莫能屈指數一役入告累篇牘累篇牘數未

盈捷書猶有未列名于嗟乎虎賁三千一敵萬將兵將將
多多善龍驤將軍馬服子到處勇夫皆伉伉錄功筆掃千
人軍况復先聲可奪人萬里沙場加勇號此身實未鑿凶
門乃惟日不出戶庭安土散乎仁

新章

定新章多更張更張易見長豈知今所更張事前行之
已多窒以議寢者爲創議如以石田爲墾地又如箸書自
謂奇古所駿者今不知不讀萬卷破豈可雖黃爲不有如
月眼但有如斗膽見長乃形短君試看新章謂詳前人所
未詳不防前人所預防少所見多所傷我不敢日謀之臧

電線

電行莫能窮起止一掣忽焉數千里世間無如影響捷影所不滅響先絕欲使影到響不窮須知影有氣相從當以響入氣之中君不見廣漠風無樹亦大鳴以氣載響旋太空周易所謂山澤通大之可以轉鴻濛何況人跡之所到北塞南徼易通窾數千里如提耳告飛塵馳騎眞堪笑乃知上天之載全在聲側耳聽天下平

機器

機之爲言通乎幾慮善以動不逾時君子能見動之微天下以是樞紐之不然何以爲治爲形而下者乃在器製器

雖巧是方伎黠者竟使鬼神泣鉤心門角測天地君不見
流馬與木牛豈以是推武鄉侯武鄉侯又何求後樂在先
憂先後之幾能運籌

明墨

李廷珪古所稀曹素功今所同程君房方于魯不今不古
松煙萬杵黑如髹漆闇而章所直乃如重璧昂一兩墨取
十兩直一鎰墨直金二百窮措大走相約減食典衣同買
墨欲求明試先守黑守黑天下乃大白君不見名狀元不
以書判不以身言數墨可以升清天

小楷

小楷筆卷而能放搏兔用力如搏象鍾紹京孟頫與徵明
自唐訖明稱最精無若侏儒飽莫學校人僚小才盆成括
媚骨長樂老珠算國基子滿盤惹以明珠顆顆圓點畫使
轉皆茫然六藝之中六書細六書之末僅習字字非小楷
能盡勢書俯但有言堪記下士由此躋上士于嗟乎毛穎
君香案吏公輸終日塗墍焚何與天下之能事

照相

越南之南海水清停舶去而留其形西人求故百年所知
有藻在水底凝取焉以爲膏是謂海藻精淬入玻璃鑑人
影留影不脫如畫成影外罔兩亦酷肖雖工畫者有弗能

或曰是卽照相所自昉不者其理無能明形影相間轉相
諒幸哉未照出元相脫令能澈見肺肝鏡中未必皆人狀
吾聞百鍊泥出方丈山以照鬼魅形當前又聞照膽秦鏡
懸實能摘伏而發奸于嗟乎留影易見心難

演戲

漢京角觝呈妙戲人走索上如履地唐有坐伎次立伎雅
樂部在立伎次今樂未知雅不雅參以角觝何爲者優孟
忽作山鬼號侏儒乃似小醜跳倒挂之鳥升木猿楚歌未
歇秦聲高阡然起落不飛塵盈耳洋洋響遏雲奇劇只從
今日有新腔莫使古人聞

效西堂體

歌枕長歌行路難名場久作奕碁看
閒居頗願栽陶柳舊夢無因摘鄭蘭
誰使市中歐陞庸似聞庭上有懸貍
終朝不憚褊柴帶優孟從來是假冠

甲申

次韻和佩蘅師三月十三日卽事之作二首

相逢袞袞別匆匆玉洞相隨廿一童
高飲中賢中聖酒閒行不暖不寒風
已占遯卦同朱子敢設疑團問碧翁
且看平泉好花木堂前萬柳綠搖空

九十春光太速匆歸來轉問候門童
林梢仰見將圓月花

信橫吹不測風告免豈同羊舌肸知機誰似鹿皮翁菩提
葉上題詩好早識心經五蘊空

次韻和佩衡師荷花生日公譙

卅載烟雲過眼頻蓮華秘藏悟前因萊公有福歸私第文
舉何緣託表親垂老益從謙處受于今詩到淡時真陽春
變作清商調謝尔紛紛聽曲人

漫興三首

三復葩經及考槃幾曾古井起波瀾仰邀明月同心少凝
恨斜陽獨語難暮晴朝暉渾負負雲愁海思闊漫漫頌將
殷浩書空字寄與蒼冥一笑看

未必深憂寄遠思平生痼疾少人知非緣作態烘頭腦何
事酣眠曬肚皮斜倚王恭春月柳飽餐馮衍夜光芝儘將
丰采供饕餮與物浮沈此最宜

北風颯颯不堪聞空際蕭蕭送鴈羣春夢自醒蘇內翰夜
游誰喝李將軍有時悟到禪三昧無意揮成字八分瞥見
秋雲斂天未何妨吾更懶于雲